

Molaodi wa Oakbay o ahloetswe ho hlola tjhankaneng dilemo tse 10.

Tshwane, 8 Tshitwe 2021 – Khomishenara ya Ditshebeletso tsa Lekgetho tsa Afrika Borwa (SARS), Mong. Edward Kieswetter, o amohetse kahlolo ya dilemo tse 10 e filweng Moalodi wa Oakbay Trading Mong. DP Naik.. Mong. Naik o ile a fumanwa a le molato wa boqhekanyetsi le ho tlola Molao wa Bolaodi ba Meedi le tse Kenang le ho Tswa ka Naha ka mora ho tla ka ditokomane tsa mokunyata tsa thomelontle le ho etsa hore disakarete di boele di kgutlele mmarakeng wa Afrika Borwa ntle le ho lefa dikgafa tse lokelang ho leshwa tsa thomelohare le thomelontle.

Mong. Naik o ile bua leshano la hore khampani e ile ya fumana disakarete tsena ho tswa Zambia. Dithomelontle tsena di ile tsa fuputswa mme ha fumanwa bopaki ba hore ke tsa leshano. Bonokwane bona bo ile ba etswa ka sepheo sa ho qoba ho lefa dikgafa tsa ka hare ho naha tse mabapi le disakarete.

O ile a fumanwa a le molato diqosong tse hlano tsa boqhekanyetsi le tsa ho tlola karolo ya 80 (1) ya Molao wa Bolaodi ba Meedi le tse Kenang le ho Tswa ka Naha. Ho latela bopaki bo tekilweng pela Lekgotla la Lebatowa la Johannesburg, sena se nonyeditse SARS tjehelete e kana ka R18-million.

Mong. Kieswetter o ile a thoholetsa sehlopha sa diphuputso mmoho le tshebedisano ya Bolaodi ba Botjhotjhisi ba Setjhaba (NPA) ka hore enwa a fumanwe a le molato le ho fumana kahlolo ena.

“Ke ka makgetlo SARS e ntse e bolela hore re le mokgatlo re tla thatafalletsa le ho etsa hore ditjeo e be tse hodimo bakeng sa balefalekgetho le bahwebi ba iphapanyang le molao ka boomo le ba nyatsang thomo ya SARS ya ho bokella lekgetho.

"Re ikemiseditse ho thusa balefalekgetho le bahwebi ba batlang ho ikobela boitlamo ba bona ba molao ka boithaopo. Dilemong tsa ho feta re tlile ka dikanale tse ngata ka sepheo sa ho nolofaletsa balefalekgetho ba jwalo hore ba tle ba ikobeletse tefo ya lekgetho.

“Kahlolo ena e lokela ho romela molaetsa o hlakileng wa hore SARS e ka se mamelle boitshwaro bo jwalo ba bonokwane mme e tla sebedisa tsohle tse matleng a yona ho sala dinokwane tsena morao,” ho rialo Mong. Kieswetter.

Ho fumana lesedi le fetang lena, ikopanye le SarsMedia@sars.gov.za